www.priofaridpur.com



হাজী শরীয়তুল্লাহ

১৭৮৬ সালে

বৃহত্তর ফরিদপুরের মাদারীপুর জেলার চর শামাইল(বাহাদুর পুর) গ্রামে

শরীয়তুল্লাহর জন্ম এক দরিদ্র তালুকদার পরিবারে। হাজী শরীয়তুল্লাহ ছিলেন ধর্মীয় সংস্কারক এবং ভারতবর্ষে সংঘটিত ফরায়েজি আন্দোলনের নেতা। তার জন্ম হয়েছিল মাদারিপুর জেলার চর শামাইল (বাহাদুরপুর) গ্রামে। তিনি শুধু ধর্মীয় সংস্কারক ছিলেন না বরং কৃষক, তাঁতি এং অন্যান্য শ্রমজীবী মানুষকে ব্রিটিশ ও জমিদারদের শোষন ও নীপিড়ন থেকে মুক্ত করার জন্য যে আন্দোলন পরিচালনা করেছিলেন তা ইতিহাসে ফরায়েজী আন্দোলন নামে পরিচিত।

ব্রিটিশ আমলে বাংলায় ইস্ট ইভিয়া কোম্পানীর শাষন প্রতিষ্ঠিত হওয়ার পর থেকে মুসলমান সমাজে অর্থনৈতিক ও সামাজিক ক্ষেত্রে চরম দুর্দশা নেমে আসে। কোম্পানি মুসলমানদেরকে সেনা বিভাগ, রাজস্ব বিভাগ ও অন্যান্য চাকরি থেকে বিতারিত করার ফলে অজস্র মুসলমান পরিবার ক্ষতিগ্রস্থ হয়। নির্ধারিত খাজনা আদায় ছাড়াও জমিদার নায়েব, গোমস্তা, সরকারি কর্মচারীরা নানা ধরনের অত্যাচারের মাধ্যমে কৃষক সমাজকে পঞ্চা করে দেয়। ব্রিটিশ শাসন আমলে প্রজারা অধিকাংশ ছিল গরীব কৃষক। জামিদারগণ প্রজাদের ওপর অবৈধভাবে নানাপ্রকার কর ধার্য ও আদায় করত। ইংরেজরা 'বাজেয়াপ্ত নীতি'র দ্বারা কোটি কোটি টাকা মূল্যের নিস্কর জমি বাজেয়াপ্ত করে। এতে বৃহত্তর ফরিদপুর তথা পূর্ব বাংলার অনেক সম্রান্ত পরিবার ধ্বংস হয় তেমনি অনেক শিক্ষা প্রতিষ্ঠান ধ্বংস হয়ে যায়। ফলে শিক্ষাক্ষেত্রে মুসলমানরা পিছিয়ে পড়ে এবং কুপ্রথা, অন্ধবিশ্বাস ও অনৈসলামিক কার্যক্রমে লিপ্ত হয়ে পড়ে। তাছা্ডা নীলকরদের অমানুষিক অত্যাচারে নীলচাষীদের জীবন অতিষ্ঠ হযে ওঠে। নীলকররা চাষীদের জোরপূর্বক লীল চাষ করতে বাধ্য করত। ইংরেজ বিচারকদের পক্ষপাতিত্বের জন্য চাষীরা সুবিচার পেত না। মুসলমান সমাজের এ সামাজিক, অর্থনৈতিক ও ধর্মীয় অধঃপতন দেখে যেই ব্যক্তি এগিয়ে এসেছিলেন তিনি হলেন হাজী শরীয়ত্তুল্লাহ। ইতিহাসের এই মহান বীর মন্ধা শরীফে গমন করেন ১৭৯৯ খ্রিস্টাব্দে এবং ১৮১৮ খ্রিস্টাব্দে সেখান থেকে বাংলায় ফিরে আসেন। দেশে ফিরে তিনি আরবের ওয়াহাবী আন্দোলনের আদলে ফরায়েজি আন্দোলন শুরু করেন। তার ছেলে দুদু মিয়াও একজন ঐতিহাসিক যোদ্ধা। তিনি নীলকরদের বিরুদ্ধে যুদ্ধ করে ব্রিটিশদের তাড়ানোতে ভূমিকা রেখেছিলেন। শরীয়তুল্লাহ'র নামানুসারে বাংলাদেশের শরিয়তপুর জেলার নামকরণ করা হয়েছে। এছাড়া তার নামে মাদারিপুরের শিবচরে আড়িয়াল খাঁ নদের উপরে নির্মিত সেতুটির নাম করণ করা হয়েছে হাজী শরীয়তউল্লাহ সেতু।

			.	
ফরিদপুর শহরের প্রানকেন্দ্রে আদি এবং প্রাচীন ব	গজারটি হাজী *	রিয়িতুল্লাহ বাজার জ	গরই নামে নাম করন	করা হয়েছে।